

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Dissertatio Philologica De Sepultura Josephi Patriarchae

**Carpzov, Johann Benedict
Ibbeken, Rudolph**

Lipsiae, 1697

§. XXI

urn:nbn:de:bsz:31-10271

de simulacro bovis, quod mortuo erexerint Ægyptii, certè à Judæis bovis titulum honoris ergo ipsi tributum, negandum non est.

§. XXI. Actus *continuativus* consistit in solenni reliquiarum sanctarum per desertum in Palestinam usque deductione, & toto illo commorationis tempore, etiam post Mosis mortem, summa rerum agente Josua durabat, donec terram promissam distributis inter tribus possessionibus plenè occupassent. De hac deductione ita R. Bechai. *l.e.* הנה זכה יוסף שיעללו משה רבינו ע"ה ארת עצמותיו באכלוסה היות שכתוב ואת עצמות יוסף אשר העלו בני ישראל ממצרים קברו בשכם שהרי כידוע כי משפט הלוידי בקבורתו של צדיק הויה באכלוסה שהויה ששים רבוי, וכמו שדרשן ר"ל כנתינתו כך נטילתו מה נתינתו בששים רבוי, *Ecce Josephus dignus fuit, cujus ossa Moses Magister noster in solenni totius populi congregatione deduceret. Hoc enim vult Scriptura, cum ait Jos. XXIV, 32. Et ossa Josephi, que adduxerunt filii Israel ex Ægypto, sepeliverunt in Sichem. Notum quippe est, ritum de duellionis exequialis in funeratione iusti, exigere presentiam totius cætus, qui est sexaginta myriadam. Ut hic valeat, quod Rabbini nostri (de lege tabulis inscripta) tradiderunt: Qualis datio ejus, talis est profectio ejus. At qui datio ejus (ad montem Sinai) coram sexaginta myriadibus facta est. Ergo & profectio ejus (h.e. legis in deserto accepta in terram usque sanctam illatio) cum sexaginta myriadibus facta est.* Insinuat nimirum solennem processum, quo capulus Josephi ossa continens, æque ac sanctissima arca foederis, in qua legis tabulae asservabantur, quoties profecti sunt, deductus fuit, juxta traditionem, qua legitur in Mass. Sota loco *sepius citato*, p. 289. וכל אותן שנים שהיו ישר' במדבר היה ארונו של יוסף וארון של שכינה מהלכת זה עם זה והיו עיבירים ושבים אומרים מה טובן של שתי ארונות האלו אמרו אחד של מרת ואחד של שכינה אטרו וכי דרכו של מרת להלך עם *Universis illis annis, quibus Israelita in deserto fuere, arca Josephi, & arca Majestatis divina, juxtim incedebant, Atque seubi ultro citroque commoantes, quaerent, ad quid conducerent dus ista arca? Tulere responsum, altera demortui, altera divina est Majestatis. Rogantibus porro, an fas sit, ut*

mor-

mortuus cum Divina Majestate juxta incedat? distulim: Isse implevit, quod in ista exaratum. Tale quid cæterarum tribuum capitibus, quorum ossa etiam transferebantur, non contigit. Nam qualibet tribus sui tantum Patriarchæ reliquias venerabunda quidem, at cum minori solennitate, magisque privatim deducebat. Idem R. Bechai post pauca: כר שבט ושבט העלו עצמות השבטים כנון שהאמר שבט ראובן העלה עצמות ראובן אבותם ושבט יהודה העלה עצמות *Singula tribus ossa Patriarchæ sui translulerunt. Scilicet tribus Ruben ossa Rubeni patris sui deduxit, tribus Juda Patris sui deduxit, & sic unaqueque reliquarum tribuum.*

§. XXII. Actus Consummationis ultimâ in dormitorium illatione absolvitur, quam Andreas Masius *Commentario in Josuam, ante terræ sortitionem*, alii *post eam* putant factam. Et qui posterius defendunt, porro disputant, utrum *ante*, an *post mortem Josua*? Nos uti Masio assentiri propterea non possumus, quod pacatam prius terram, & locum sepulturæ ab hostium imperu liberum Israelitas voluisse, quam tantum pignus reconderent, verisimile sit: ita de quæstione altera sententiam ferè suspendimus. Serarius in *Cap. Ull. Jos. q. XVI. f. 479.* ipsum Textus ordinem significare scribit posterius, quando post descriptam Josua mortem & sepulturam demum de sepultura Josephi agitur. Sed quid? si perfectum קברו *sepeliverunt*, per plusquamperfectum *sepeliverant*, exponamus cum Bontrerio? quæ sanè enallage Hebræis, qui Plusquamperfecto carent, est frequentissima, docente Glassio *lib. III. Philol. S. tr. III. can. XLVI. p. 642.* Nec deest ratio, cum parum videatur probabile, sepulturam, quæ vivo Josua ante plures annos, postquam à præliis quievère, fieri poterat, ad hoc usque tempus dilatam. Quibus autem ceremoniis tum usi fuerint, nec Sacra historia commemorat, nec à quoquam Rabbiorum, quantum constat, describitur. Non tamen dubium, quin omnes omnino tribus ad hæc juxta convenorint, atque ad tumbam consistentes attenderint, quid in laudem Josephi ab aliquo ad hoc officium delecto diceretur. Moris erat apud Ægyptios, ut defuncti, si à Judicibus sepultura decreta esset, oratione prolixa laudarentur, cujus hanc methodum Athanasius Kircherus *Tom. I. Oedipi Ægyptiaci, Syntagm. II. Cap. II. fol. 124.* ex Herodoto, Diodoro Siculo, aliisque refert: *Ordientes, inquit, à pueritia, in qua vitæ institutionem, eruditionemque recensebant, ad viri aetatem descendebant, ejus ergo*

De-